

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj: 01-02-12148/25
Sarajevo, 03.06.2025. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 8. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

- a) Vijećničke inicijative

- Komisija za prostorno uređenje i zaštitu okoliša-

Komisija za prostorno uređenje i zaštitu okoliša, u skladu sa svojim nadležnostima, detektovala je probleme u realizaciji sanacije klizišta te nejasnoće u pogledu nadležnosti institucija. Stoga predlažemo Općinskom vijeću da podrži ovu inicijativu, usvoji je i hitno dostavi relevantnim institucijama.

Na osnovu uvida u trenutne aktivnosti i nadležnosti Zavoda za izgradnju Kantona Sarajevo, te zastoja i izazova u realizaciji projekata sanacije klizišta na području Općine Novi Grad, a s ciljem efikasnijeg i koordiniranijeg djelovanja nadležnih institucija, pokrećemo sljedeću:

1. Tražimo hitno uključivanje općinskog načelnika, Službe za investicije i Službe civilne zaštite u cilju analize trenutne situacije i izrade prijedloga rješenja.
2. Pozivamo Općinsko vijeće Novi Grad Sarajevo da bez odlaganja uputi nadležnim kantonalnim organima inicijativu za:

- izmjenu relevantnih zakonskih propisa,
 - precizno definisanje nadležnosti svih nivoa vlasti,
 - utvrđivanje jasnih i operativnih procedura za sanaciju klizišta,
- kako bi se izbjegla institucionalna preklapanja te unaprijedila efikasnost u zaštiti ljudi i imovine.

-vijećnica Emina Hasanović –

1. NIVELACIJA TROTOARA Vojničko Polje

Na inicijativu građana predlažem da se naprave nivelacije trotoara na pješakim stazama između doma zdravlja Saraj Polje i naselja Vojničko Polje, kako bi se omogućilo lakše i sigurnije kretanje svih građana. Građani su ukazali na problem otežanog kretanja dječijih kolica i bicikala na ovom potezu. (fotografija sa oznakama u prilogu)

2. NIVELACIJA TROTOARA Dobrinja 5

Na inicijativu građana predlažem da se naprave nivelacije trotoara na pješačkim stazama između od Dobrinje 5 ka A transverzali. Građani su ukazali na problem otežanog kretanja dječijih kolica i bicikala na ovom potezu, zbog visoke granice trotoara.

Zbog ovog problema, biciklisti i roditelji s djecom u kolicima moraju stajati, ustati i truditi se da se popnu na trotoar, što stvara nered, otežava saobraćaj i povećava rizik od nesreća. Takođe, ovo izaziva stres za roditelje, koji su zabrinuti za sigurnost svoje djece, kao i za sve koji se koriste biciklima ili dječijim kolicima.

2. PJEŠAČKI PRELAZ NA VOJNIČKOM POLJU

Podnosimo inicijativu za obilježavanje pješačkog prelaza na parking prostoru koji se nalazi na području Vojničkog Polja, kako bi se povećala sigurnost pješaka i vozača.

Postojeći parking presijeca učestalu pješačku putanju koju svakodnevno koriste stanari okolnih zgrada, djeca, starije osobe i drugi građani.

Parking je longitudinalnog karaktera i pojedini vozači isti koriste kao saobraćajnicu te razvijaju nepropisne brzine i otežavaju kretanje pješaka. (fotografija sa oznakama u prilogu)

3. UKLANJANJE NEUPOTREBLJIVOG PJEŠAČKOG PRELAZA

Na A transverzali, tačnije na dijelu kod WinW Shopa (Branislava Nušića 129), koji je veoma prometan i na kojem se saobraća velikom brzinom, postoji stari pješački prelaz koji nije uklonjen niti obrisao. Ovaj prelaz predstavlja ozbiljnu opasnost jer zbunjuje ne samo građane koji ne žive u tom području, već i turiste koji dolaze s obližnjeg aerodroma. Mnogi od njih nisu ni svjesni da prelaz više ne postoji. Zbog sigurnosti pješaka, vozača i svih učesnika u saobraćaju, posebno djece i starijih osoba koji su najugroženiji, potrebno je odmah ukloniti ovaj nepostojeći pješački prelaz. Ostavljen bez odgovarajuće signalizacije, stari prelaz može dovesti do nesreća i ozbiljnih povreda. (fotografija sa oznakama u prilogu)

4. ZAMJENA POSTOJEĆEG RASVJETNOG TIJELA U ULICI RAMIZA ŠALČINA 360

Potrebno je postaviti novo rasvjetno tijelo u ulici Ramiza Šalčina 360, jer je staro već nezamijenjeno 20 godina. U večernjim satima se s vremena na vrijeme totalno gasi, a cijela ulica ima samo to jedino rasvjetno tijelo. Jačina pomenutog rasvjetnog tijela je vrlo mala. Obzirom da ulica nema trotoar bez adekvatne rasvjete ugrožava se sigurnost pješaka i vozača, te otežava noćno kretanje i stvara nesigurnost među građanima.

5. POSTAVLJANJE NOVOG RASVJETNOG TIJELA U ULICI RAMIZA ŠALČINA 370

Potrebno je postaviti novo rasvjetno tijelo u ulici Ramiza Šalčina 370 zbog nedostatka adekvatne ulične rasvjete. Naime ulica od 80m ima samo jedno rasvjetno tijelo, te mračna i nesigurna za građane.

6. OTVARANJE DEŽURNE AMBULANTE NA PODRUČJU SARAJ POLJA

Na osnovu razgovora sa građanima Saraj Polja i Dobrinje, posebno starijim osobama koje se suočavaju sa ozbiljnim teškoćama u pristupu zdravstvenim uslugama tokom vikenda i praznika, podnosim inicijativu s ciljem poboljšanja zdravstvene dostupnosti na području najveće sarajevske općine.

Općina Novi Grad, sa više od 120.000 stanovnika, ima samo jedan dežurni dom zdravlja – smješten na Otoci, na samoj graničnoj liniji između Novog Grada i Novog Sarajeva. Ova lokacija je za starije građane sa područja Dobrinje, Saraj Polja, Mojmila i drugih naselja – udaljena, naročito za starije osobe bez automobila.

Za poređenje, druge gradske općine kao što su Centar, Novo Sarajevo, Ilidža i Stari Grad imaju bolje raspoređene dežurne ambulante, prilagođene manjem broju stanovnika i manjoj površini.

Stoga, predlažem da Općinsko vijeće zatraži od JU Dom zdravlja KS i Ministarstva zdravstva KS otvaranje dežurne ambulante na području Saraj Polja, koje se nalazi na sredini između Otoke i Dobrinje, te bi logistički i funkcionalno moglo opsluživati veliki broj stanovnika, uz znatno manju udaljenost i lakšu dostupnost.

Otvaranjem ove ambulante rasteretio bi se postojeći kapacitet dežurnog Doma zdravlja Kumrovec, a starijim građanima omogućila brža i sigurnija zdravstvena zaštita

7. OTVARANJE POŽARNOG PUTA U ULICI TEHERANSKI TRG

Podnosim inicijativu za otvaranje požarnog puta iz pravca Teheranskog trga (iza broja 13) prema ulici Adija Mulabegovića 5. Ovaj prijedlog temelji se na potrebi usklađivanja sa protupožarnim standardima, u cilju osiguravanja optimalnih uvjeta za brz pristup vozilima hitnih službi, posebno vatrogascima, u slučaju požara ili drugih vanrednih situacija.

Prema važećim propisima o protupožarnoj zaštiti, osiguranje slobodnog pristupa za interventna vozila obavezno je za sve zone koje predstavljaju visok rizik, uključujući stambene i komercijalne prostore. Otvaranjem ovog puta, bit će omogućeno nesmetano kretanje vatrogasnih vozila i spasilačkih timova, što je ključno za smanjenje potencijalne štete i zaštitu ljudskih života.

Obzirom da je ovaj nekadašnji požarni put danas blokiran stepništem, obzirom na Pravilnikom o protupožarnoj zaštiti, smatram da je ovo nužno za povećanje sigurnosti naših sugrađana. Pozivam nadležne općinske službe da što hitnije razmotre i poduzmu potrebne korake u skladu s propisima za implementaciju ove inicijative.

U MZ Saraj Polje ovaj zahtjev je prenošen kao visokorangiran prioritet od 2018. godine. Naime stvar je bezbjednosti građana a zahtjev stoji već 7 godina.

8. INICIJATIVA ZA ZAMJENU POSTOJEĆE RASVJETE U ULICI RAMIŽA ŠALČINA

Poboljšanje rasvjete/zamjena postojeće rasvjete na svim prilazima školi Aleksa Šantić, posebno na prilazu iz ulice fra Antuna Kneževića (od broja 29), postalo je hitna potreba. Djeca koja svakodnevno koriste ove prilaze zaslužuju siguran i bezbrižan put do škole. Trenutna slaba rasvjeta ozbiljno ugrožava sigurnost djece. Ovaj zahtjev se nalazi na liti zahtjeva MZ Saraj Polje još od 2017. godine, a radi se o sigurnosti djece što mora biti prioritet.

9. INICIJATIVA ZA OSNIVANJE KOMISIJE ZA STATUSNA PITANJA GRAĐANA TREĆE ŽIVOTNE DOBI

Obraćam se s inicijativom za osnivanje Komisije za statusna pitanja građana treće životne dobi u cilju poboljšanja kvaliteta života starijih osoba u našoj zajednici. Na temelju brojnih razgovora s građanima, kao i zbog demografske promjena koje se očekuju, smatram da je neophodno da se stvori organ unutar općinskog vijeća koji će se fokusirati na potrebe starijih osoba.

Komisija bi bila odgovorna za razmatranje i predlaganje mjera koje se odnose na socijalnu zaštitu, zdravstvo, pristup uslugama i drugim pravima treće životne dobi. Takođe, komisija bi bila platforma za

pokretanje inicijativa koje omogućavaju starijim osobama aktivno sudjelovanje u zajednici i poboljšanje njihovog svakodnevnog života.

Ova komisija bila bi korisna jer bi omogućila konkretnu podršku i rješenja koja mogu unaprijediti životni standard naših starijih sugrađana.

10. INFORMACIJA ZA STANJA PIJACE NA DOBRINJI 2 I VOJNIČKOM POLJU

Upućujem pitanje u vezi sa stanjem pijaca u naseljima Dobrinja 2 i Vojničko Polje, s posebnim naglaskom na pijacu u Vojničkom Polju. Pomenuta pijaca nalazi se u izuzetno lošem i zapuštenom stanju – armatura vidljivo viri iz konstrukcije nadstrešnice, a cijeli prostor djeluje zapušteno, neugledno i nesigurno za korisnike. I pijaca Dobrinja 2 je zapuštena i neugledna ali je njeno stanje bolje od pijace na Vojničkom polju.

Molim da se dostavi odgovor na sljedeća pitanja:

Da li su u skorije vrijeme planirane bilo kakve aktivnosti ili intervencije vezane za uređenje pijaca na navedenim lokacijama, posebno na pijaci u Vojničkom Polju? Ako jesu – šta konkretno podrazumijevaju ti planovi, u kojem vremenskom okviru, te ko je odgovoran za njihovu realizaciju?

Ako nisu – molim da se precizira ko je nadležan za upravljanje i održavanje tih prostora, te kako je moguće da se dozvoli ovakav stepen zapuštenosti objekata koji su, historijski gledano, uvijek bili važno mjesto susreta, trgovine i društvene povezanosti građana.

Pijace su više od običnih trgovačkih prostora – one su oduvijek bile ogledalo društva i mjesta dnevne interakcije, solidarnosti i života lokalne zajednice. Zato apelujem da se ovaj problem ne ignoriše i da dobijemo jasne informacije i smjernice kako bi građani mogli očekivati poboljšanja.

12. INFORMACIJU O PLANSKOJ NAMJENI ZEMLJIŠTA

Koja je planska namjena velike zelene površine u blizini Doma zdravlja Saraj Polje (između Doma zdravlja i zgrada na Vojničkom Polju)?

13. INFORMACIJU O PARKOVIMA ZA PSE

Da li postoji strategija ili plan za izgradnju parkova za pse – na području općine Novi Grad?

Ukoliko postoji plan izgradnje parkova ili uređenja te lokacije, molim vas da dostavite informacije o predviđenim dimenzijama i lokacijama istih.

Koliko parkova za pse postoji u Općini Novi Grad?

Koja su dimenzija postojećih parkova za pse?

Informacija mi je potrebna zbog razgovora s građanima i inicijative koja je pokrenuta zbog nedostatka adekvatnog prostora za pse na području naše općine. Građani smatraju da bi veći i funkcionalniji park za pse doprinio kvaliteti života, posebno u gusto naseljenim područjima poput Dobrinje i Saraj Polja.

14. PROŠIRENJE I UNAPREĐENJE DJEČIJEG IGRALIŠTA NA DOBRINJI 5

Obzirom na sve veći broj djece u naselju Dobrinja 5, predlažem da se pokrene proces proširenja i unapređenja postojećeg dječijeg parka (Stari park, u ulici Trg Grada Prato)

Trenutni park zauzima površinu od svega otprilike 10x10 metara, što je nedovoljno da odgovori na potrebe velikog broja djece koja svakodnevno koriste taj prostor. Nekadašnji park, koji je bio aktuelan u periodu oko 2012. godine, bio je duplo veći od sadašnjeg, i to u periodu kada je natalitet bio znatno niži nego danas.

Danas, Dobrinja je jedno od rijetkih naselja koje se s pravom može pohvaliti porastom broja djece i beba, što dodatno ukazuje na neophodnost adekvatnog prostora za igru, odmor i socijalizaciju najmlađih sugrađana.

Predlažem:

Da se razmotre mogućnosti prostornog proširenja igrališta na okolnu slobodnu površinu;

Da se u narednom planskom periodu osiguraju sredstva za proširenje i poboljšanje sadržaja u skladu s potrebama djece svih uzrasta;

Da se uključe roditelji i stanari u proces planiranja, kroz anketu ili javnu raspravu, kako bi igralište što bolje odgovaralo stvarnim potrebama zajednice.

15. UREĐENJE PRISTUPNE STAZE – DOBRINJA 2 (ULICA NURIJE POZDERCA)

Na Dobrinji 2, iz pravca ulice Nurije Pozderca prema parking u unutrašnjosti zgrade, nalazi se neuređena mala stazica koju stanari svakodnevno koriste kao najkraći prilaz haustorima. Ova stazica, iako improvizovana, pokazuje stvarnu potrebu građana za direktnim i sigurnim pristupom.

Obzirom na to da je u savremenoj urbanističkoj praksi uobičajno naknadno urediti tzv. prirodne staze korisnika, predlažem da se ova staza izbetonira ili poploča, čime bi se poboljšala funkcionalnost i estetski izgled prostora, te omogućilo sigurno kretanje, posebno tokom loših vremenskih uslova.

16. INFORMACIJA O PARKING PROSTORU NA DOBRINJI 5

Građani Dobrinje 5 se svakodnevno suočavaju s ozbiljnim nedostatkom parking prostora. Dvije postojeće garaže su, prema informacijama iz KJKP “RAD”, popunjene (osim zadnje etaže kod crvene zgrade, zbog nesigurne statike), a postojeći parking kapaciteti su nedovoljni za potrebe gusto naseljenog područja.

Molim Vas za informaciju da li Općina u saradnji s nadležnim institucijama ima planove za rješavanje ovog problema?

Izgradnje montažnih garaža ili podrške KJKP “RAD” u osposobljavanju gornje etaže postojeće garaže (kod crvene zgrade) koja trenutno nije u funkciji a ima poprilično velik kapacitet?

Također, smatram važnim dugoročno razmatrati i alternativna rješenja kroz saradnju sa nadležnim za javni prevoz, kako bi se smanjila prekomjerna upotreba privatnih vozila.

17. IZMJESTANJE KLUPE ISPRED PRIVATNOG OBJEKTA

Ljubazno vas molim da razmotrite izmještanje postojeće klupe koja se nalazi preko puta privatne kuće (Ramiza Salčina 118) u kojoj je smještena prodavnica vodomaterijala.

Klupe i javne površine imaju svoju važnost, ali u ovom slučaju, lokacija klupe uz sam prilaz kući i poslovnom objektu predstavlja određene poteškoće.

Ispred klupe se učestalo ostavlja otpad, što stvara neugledan prizor i otežava održavanje prostora;

Okupljanja, a i večernja okupljanja pojedinaca neadekvatnog ponašanja stvaraju osjećaj nesigurnosti kod stanovnika i posjetitelja pomenute trgovine.

Predlažem da se klupa izmjesti nekoliko metara dalje, u pravcu obližnjeg parkinga, u tom dijelu pristupi kućama nisu okrenuti ka klupi. Klupa bi idalje služila građanima, ali ne bi remetila pristup objektu niti narušavala vizuelni i sigurnosni ambijent.

Ovim potezom bi se zadržala funkcionalnost javnog mobilijara, a istovremeno uvažile potrebe stanovnika i korisnika prostora.

18. POBOLJŠANJE TRANSPARENTNOSTI I KOMUNIKACIJE SA GRAĐANIMA

U cilju poboljšanja informisanosti i uključivanja svih građana u procese donošenja odluka, predlažem nekoliko konkretnih mjera koje bi trebalo implementirati na zvaničnoj web stranici Općine Novi Grad.

Objavljivanje Vijećničkih pitanja i inicijativa

U cilju veće transparentnosti, predlažem da se na zvaničnoj web stranici Općine Novi Grad redovno objavljuju svi postavljeni vijećnički prijedlozi, pitanja i inicijative. Građanima bi se omogućilo da budu u toku sa temama o kojima se raspravlja na sjednicama vijeća, kao i sa pitanjima koja se tiču njihovih svakodnevničkih života.

Objavljivanje Plana Rada za 2025. godinu

Plan rada za 2025. godinu, koji do sada nije javno dostupan, treba biti objavljen na zvaničnoj web stranici. Ovaj plan bi omogućio građanima da dobiju jasnu predstavu o prioritetima općinske vlasti za narednu godinu i da budu u mogućnosti da se aktivnije uključe u različite projekte i aktivnosti koje će se realizirati.

Objavljivanje Informacija o Komisijama Općinskog Vijeća

Kako bi građani imali bolji uvid u rad Općinskog vijeća, predlažem da se na web stranici općine objave informacije o svim komisijama, njihovim članovima i nadležnostima. Takođe, trebali bi biti dostupni izvještaji o radu komisija, koji bi pomogli građanima da bolje razumiju koje se specifične teme obrađuju u okviru različitih komisija.

19. SAOBRAĆAJNU SIGNALIZACIJU U ULICI ANTE BABIĆA

Na inicijativu građana podnosim zahtjev vezan za saobraćajnu signalizaciju u ulici Ante Babića, na dijelu koji se nalazi u smjeru prema Bulevaru Mese Selimovića. Semafor kod Fast Fooda Lux, zaklonjen je stubom rasvjetnog tijela, što otežava vidljivost vozačima, posebno onima koji nisu česti posjetitelji ove saobraćajnice.

Iako su stanovnici koji redovno koriste ovu dionicu već upoznati sa situacijom, problem može predstavljati vozačima koji se rijetko kreću ovom rutom. Stoga molim nadležne da razmotre mogućnost da se ovo u budućnosti ne dešava, kako bi se omogućila bolja vidljivost i sigurnost.

Ujedno, želim napomenuti da se ovakvi problemi mogu ispraviti i da je važno da se slični problemi preventivno otklone kako bi se osigurala sigurnost svih učesnika u saobraćaju.

20. ZAMJENA RASVJETE NA DIONICI KOJU KORISTE DJECA NA PUTU KA ŠKOLI

Zamjena postojeće rasvjete u ulici Ramiža Šalčina, od broja 170 do 194, nužna je zbog izuzetno slabog osvjetljenja, što ozbiljno ugrožava sigurnost građana, a naročito djece. Ova uska saobraćajnica, koju svakodnevno koriste djeca na putu od škole do kuće, postavlja veliki rizik za nesreće, posebno u večernjim i noćnim satima.

Unapređenje rasvjete u ovom dijelu ulice ključno je za osiguranje sigurnosti djece i svih građana, omogućujući im siguran povratak kući i smanjujući rizik od nezgoda.

21. INICIJATIVA ZA UREĐENJE SPORTSKOG TERENA U ULICI TRG GRADA PRATA NA DOBRINJI 5

(dio parka namijenjen djeci većeg uzrasta)

Uređenje sportskog terena koji se nalazi u sklopu parka na Trgu grada Prata. Teren je u lošem stanju, nedostaje sportske opreme, a betonska podloga je potencijalno opasna.

Molim da se u što skorijem roku izvrši procjena stanja i planira sanacija i opremanje terena, kako bi djeca i mladi imali siguran i funkcionalan prostor za rekreaciju i sport.

-vijećnica Hana Keč-

1. Upućujem inicijativu za uspostavljanje registra podnesenih inicijativa koji bi bio dostupan na web stranici Opštine.

O B R A Z L O Ž E N J E

Radi povećanja transparentnosti rada općinskih vijećnika, savjeta mjesnih zajednica i radi omogućavanja dostupnosti informacija kako građankama i građanima Opštine Novi Grad Sarajevo upućujem inicijativu za uspostavljanje registra podnesenih inicijativa sa podnositeljima, uz praćenja statusa prihvaćenih inicijativa koji bi bio javno dostupan na web stranici Opštine.

Registar bi, za razliku od sadašnje forme dokumenta sa samo navedenim inicijativama, služio kao sistem za praćenje i pregled zahtjeva kako vijećnica i vijećnika, građanki i građana tako i savjeta mjesnih zajednica, njihovih inicijativa i prijedloga koje upućuju prema općinskim službama, kao i njihov status i odgovor službi.

2. Upućujem inicijativu za uspostavljanje reflektora ili led rasvijete na sportskom igralištu na Alipašinom polju – C-faza.

O B R A Z L O Ž E N J E

Izvršena je djelimična rekonstrukcija dječijih i sportskih igralista u C fazi Alipačino polje. Tada je urađena rekonstrukcija parka za najmlađe i rekonstrukcija sportskog igrališta. Stubovi ulične rasvijete na tom području su niski i često su na meti vandala i neodgovornih građana, te se često dešava da rasvijeta nije u funkciji, te su park i igralište u potpunom mraku (u prilogu slika).

U cilju povećanju sigurnosti građana, poboljšanja uslova življenja te očuvanja pomenitih rekonstruisanih igrališa, podnosim inicijativu da se na ovom prostoru izvrši zamjena postojeće rasvijete postavljanjem reflektora ili led rasvijete.

3. Upućujem inicijativu da nadležna komunalna preduzeća hitno izvrše evaluaciju stanja i izvrše neophodne popravke na sportskim igralištima na području Opštine Novi Grad.

O B R A Z L O Ž E N J E

Tragom nedavnog tragičnog događaja, a kakve nažalost pamtimo i na području naše opštine tražim da nadležna komunalna preduzeća izvrše provjeru stanja na sportskim i dječijim igralištima sa aspekta sigurnosti, ispravnosti sprava i imobilijara, te da izvrše neophodne popravke i tako spriječe nove tragične događaje.

-vijećnica Edita Šandal -

1.Podnosim vijećničku inicijativu prema KJKP "Rad" za postavljanje novih kontejnera u ulicama Trg Sabora bosanskog i Miroslava Krleža. Postojeći kontejneri su dotrajali, bez točkova i prepuni rupa, također su položeni na zemlju i nalaze se na zelenoj površini. Općina Novi Grad je nedavno uradila nove podloge međutim ostali su stari kontejneri koji nisu adekvatni za korištenje zbog svega gore navedenog.

2.Podnosim inicijativu prema Ministarstvu saobraćaja KS za korekciju i usaglašavanje rasporeda vožnje za minibuske linije Otoka-Sokolje i Stup-Sokolje. Naime, građani traže da se usaglasi redoslijed vožnje kako ne bi čekali po sat vremena jer prema postojećem rasporedu u isto vrijeme kreću oba kombija i za Stup i za Otoku. Predlažu da jedan od prijevoznika (Centrotrans ili Gras) kreću na cijeli sat, a drugi na pola sata kako bi redovno imali prijevoz sa Sokolja.

3.Podnosim vijećničko pitanje prema MUP KS a u vezi sa postavljanjem stacionarnih radara u ulici Safeta Zajke od Vatrosistema prema Zabrđu. U toku 2024. godine od predstavnika Policijske uprave Novi Grad rečeno je da su planirana 3 stacionarna radara na ovoj relaciji, međutim još uvijek nisu postavljena. U ulici Safeta Zajke skoro pa svakodnevno dolazi do saobraćajnih nesreća najviše zbog neprilagođene vožnje, te se nadam da će ovo pitanje biti riješeno čim prije jer se od Vatrosistema do Zabrđa nalaze dvije osnovne škole i veliki broj poslovnih objekata.

-vijećnik Bojan Vučković -

Renoviranje ulice Smaila Šikala u MZ Alipašin most 1, kompletne dužine od cca. 800 m.

Obrazloženje:

Ulica Smaila Šikala, MZ Alipašin most 1, Boljakov potok, glavna ulica u tom naselju kojom autobusi prolaze se nalazi u jako lošem stanju i potrebna je hitna rekonstrukcija čitave ulice jer je zadnji put asfaltirana prije cca. 25 godina. Čitava je ulica propala, voda curi na sve strane što se vidi i iz priloženih slika. Sigurnost građana je poprilično ugrožena (posebno pješaka i školaraca koji koriste ovu ulicu na putu prema školi), također i pokretne imovine gdje smo svakodnevni svjedoci nastanku oštećenja na automobilima koji saobraćaju tom ulicom te stanovnicima ove ulice prave dodatne troškove u doba i onakog povećanja troškova življenja. Desetak godina unazad stanovnicima ove MZ se obećava rekonstrukcija ove ulice, nažalost do danas se nije ništa po tom pitanju uradilo.

U istoj ulici do broja 255, loše nivelisana te propala rešetka pravi buku kada auta prolaze preko nje, te ometaju normalan živog građana koji žive u okolnim kućama.
Dužina kompletne ulice je cca. 800 metara.

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a